

Class 603 - Set Piece for Students aged 15 to 20 Years


Ma Vielle Brioche redit par Elie (E.J.Luce)

Ch'tait la sèrvelle dé Noué, i' faïsait bieu temps,
J'tais tout janne garçon, j'avais dgiêx-neuf ans,
Pour un êtchu j'l'acatis, j'm'en r'souveins comme d'aniet,
Dans la Rue d'Drièthe siez l'bouonhomme Jean Aspiet,
Ma neuve Brioche.

Deux lînmelles oulle avait et bouôn tithe-bouochon,
Un p'tit êpinnoque-dents et iun tch'était raide bouôn;
Et pis en cas qu'tan j'va eüsse eune pierre dans l'chabot,
Pour la r'haler bein vite il y r'avait un cro,
À ma Brioche.

Pouor dècrotter ses bottes, ou gratter des suidiches,
Pouor raccourchi la coue ès vaques ou bein ès g'niches,
Pouor êcaler les hîtres, des poules ou poulets tuer,
Pouor faithe toutes sortes d'choses, lé miyeu ôti qu'i' y'ait
Ch'est ma Brioche.

Comment qu'jé m'graiethais sans, j'voudrais ma fîngre saver.
J'la manqu'thais bein souvent, j'veurs pas même la prêter,
Dé peux qué j'la pèdras et qué j'n'la r'vaie pus.
Mén adresse et man nom j'ai fait êcrithe déssus,
Chutte vielle Brioche.



Go to the Learn Jèrriais website to find the audio version of this...
www.learnjerriais.org.je

